



Universitätsbibliothek Paderborn

Domus Æternitatis

Reserata, Et Ad Ingrediendum Quotidie Memorïæ cogitationibus,
Intellectûs considerationibus, ac voluntatis affectibus Aperta ; Serviet
quoque pro Concionibus; uti & pro Exhortationibus, in Agoniae Domini
Sodalitatibus

Dirckinck, Johann

Coloniae Agrippinae, 1713

7. Mors bona, janua Domûs beatæ æternitatis.

[urn:nbn:de:hbz:466:1-50597](https://nbn-resolving.org/urn:nbn:de:hbz:466:1-50597)

56 *Domus aternitatis. Consideratio*
patientiam, Confessorum ad humilitatem, Virginum ad castimoniam te excitet. *Non terreant*, inquit S. Hieronymus Epist. 34. *descendentes; sed provocem ascendentes; nusquam à malis exemplum sumitur; etiam in seculi rebus, à meliori parte incitamenta virtutum sunt. Justitia divina terreat, bonitas alliciat. Vide bonitatem & severitatem Dei; in eos quidem qui ceciderunt, severitatem; in te bonitatem Dei, si permanseris in bonitate: alioquin ex tu excideris. Ad Rom. c. II. 22.*

CONSIDERATIO VII.

Mors bona, Domus beatæ æternitatis janua.

Pretiosa in conspectu Domini mors Sanctorum eius. Psal. 115 5.

19. Januarii.

I. **Q**uemadmodum Sancti, in conspectu Dei, dum vivunt, pretiosissimi sunt: quia pretio magno à Christo sunt redempti: *Scientes, quòd non corruptibilibus auro & argento redempti estis; sed pretioso sanguine, quasi Agni immaculati*
Christi

Christi. I. Petric. I. 18. Et quia thesaurus sunt Dei; & arca, gratiæ, virtutum, & Spiritûs sancti donorum bonis, repleta. Ita quoque eorum mors in conspectu Domini, pretiosa est; 1. quia per eam, velut januam, ad cœlestem patriam, ad Deum, divinôsque ejus thesauros possidendos, ingrediuntur.

II. Pretiosa est in conspectu Domini mors Sanctorum ejus. 2. Ob insignem meritum ac virtutum thesaurum, quem totâ vitâ collegere & quasi in animæ suæ arca reposuere: quales sunt, fides viva, spes robusta, charitas accensa, pietas tenera, devotio prompta, paupertas evangelica, obedientia apostolica. 3. Ob donum orationis, in eis, usque ad mortem perseverans. 4. Ob securitatem vitæ præteritæ, bonis operibus, partam. Unde S. Martinus visum dæmonem securus increpavit: *Quid hic astas cruenta bellua, nihil in me funeste reperies?*

III. Pretiosa est mors Sanctorum: 5. Ob Christi Domini nostri auxilium; quod ipse fidelibus servis suis, in illa hora decretoria præstat, tum per seipsum,

38 *Domus aternitatis. Consideratio*
rum per Virginem Matrem suam, tum
per Angelos, tum per alios Beatos cœli
Cives: nonnunquam etiam manifestis
visionibus, eos in lucta confortans ac re-
creans. Sic S. Tharsilla in cœlum evoca-
ta, Jesum venientem vidit, & circumstan-
tibus inclamavit: *Recedite, recedite Jesu*
venit: cùmque in eum intenderet, quem
videbat, sancta illa anima à carne soluta
est: tantâque subito fragrantia, miri odo-
ris aspersa est; ut ipsa quoque suavitas
cunctis ostenderet, illuc auctorem suavi-
tatis venisse. Ita refert S. Gregorius Pa-
pa hom. 38. in Evangelia.

Desiderium bonæ mortis.

O Mors! jam non fugienda; sed op-
tanda pro his animabus & ample-
ctenda, tanquam cœli, Dei, bonorum
que cœlestium ac thesaurorum divino-
rum janua! quando per te ingrediar; ut
laborum præmia consequar? *Mibi*
vere Christus est & mori lucrum. Ad Phil
c. 1. 21. Hic mihi vita Christus; labor
fudor, & pugna pro Christo; ibi mors lu-
crum, mors præmium, & corona, requie
& vi

& victoriâ: quando in pace dormiam & requiescam, & absorbebitur mors à vita, pugna in victoria, labor in quiete, miseria in beatitudine, momentum in æternitate.

20. Januarii.

I. *Pretiosa in conspectu Domini, mors Sanctorum.* Et amabilis at jucunda:

illis enim jucundum est, ab hujus vitæ miseræ exilio gravi ac molesto liberari; in quo hæctenus, velut captivi in carcere, aut exules in terra aliena atque remota, cum dolore detenti fuere; sæpiusque suspiravere cum Davide: *Heu mihi quia incolatus meus prolongatus est!* Psal. 119.

5. Unde læti ab exilio isto evolant; sicut Israel de Ægypto ac de populo barbaro: & velut aves Deo sacratæ, de luto. *Avolabunt, quasi avis (ibis vel accipiter) de Ægypto, & quasi columba de terra Assyriorum & collocabo eos in domibus suis, dicit Dominus.* Osee c. 11. 11. In domibus scilicet æternitatis suæ.

II. *Pretiosa mors Sanctorum, uti & felix ac læta:* vident enim Sancti, se per

60 *Domus aeternitatis. Consideratio*
mortem liberari à vinculis corporis, ab
internarum passionum motibus, à cun-
ctis hostibus, & à curarum examinibus.
S. Bernardus serm. in transitu S. Mala-
chiæ, agebat: *Triples in morte gratulatio*
est; homines ab omni labore, peccato & pe-
riculis liberari. Gratulantur sibi quod
sicut avis paradisiaca, de visco & laqueis,
ac de mundi pedicis sint extricati, cum
Davide clamantes: *Laqueus contritus est*
& nos liberati sumus. Psal. 123. 7. Gra-
tulantur sibi, quòd à mundo, carne ac
dæmone sint liberati in æternum; nec
amplius molestos insultus, ac tentationes
subire unquam sit necesse.

III. *Pretiosa mors*, quia per eam ad pa-
triam itur, & ad Patris cœlestis domum:
per eam ad portum æternæ tranquillita-
tis appellitur; quemadmodum Naucle-
rus aut mercator dives ex agitato ac fre-
mente mari, in litus conscendit: ut enim
loquitur S. Gregorius Nazianzenus orat.
19. *Quod navigantibus tranquillus portus*
est, hoc iis, qui hujus vitæ procellis agitan-
tur, migratio ad alteram vitam existit. In
hoc portu cessant fluctus & procellæ;
cessant

cessant venti & tempestates ; perpetuâ
 succedente malaciâ. In hac patria cessant
 bella & prælia ; & regnat assidua pax &
 concordia : cessant lites & jurgia : ubi
 summa regnat requies & charitas ; u-
 numque negotium est laudare Deum in
 sæcula.

Suspiria.

O Domine! quis me liberabit de cor-
 pore mortis hujus? *Educ de custodia*
animam meam, ad confitendum nomini tuo:
 transfer de exilio ad patriam, de tempe-
 state ad portum, fluctuantem cymbam
 meam : ut liber passionum motibus, liber
 curarum fluctibus, liber periculis & ho-
 stibus, liber peccatis ac defectibus; in
 sanctitate & justitia, glorificem nomen
 tuum: *Repleatur os meum laude tuâ, ut*
cantem gloriam tuam, totâ die magnitu-
dinem tuam. Psal. 70. 8. In terra vi-
 ventium, in patria Beatorum.



21. *Januarii.*

I. *Pretiosa mors Sanctorum* : quia per eam velut per januam intrant in regionem illam felicem, à qua exulat omne malum naturæ : *Præcipitabit mortem in sempiternum, & auferet Dominus Deus lacrymam ab omni facie, & opprobrium populi sui, auferet de universa terra; quia Dominus locutus est. Itaiæ c. 25. 17.* Et S. Joannes in Apocalypsi c. 7. 17. ait : *Agnus qui in medio throni est reget illos; & deducet eos ad vitæ fontes aquarum; & absterget Deus omnem lacrymam ab oculis eorum.* Nulla igitur ibi erit mors aut infirmitas; nulla pestis aut fames; nulla tristitia aut metus; ubi vita, sanitas, saturitas, securitas & lætitia sempiterna perennat.

II. *Pretiosa mors*; quia est porta consummatæ perfectionis, ac sanctitatis: exulat enim ex illa civitate sancta, omne malum culpæ, & mortale; omne vitium, omne peccatum. Sicut enim ipsa mors eorum in se sancta est; quia in actibus fidei, spei, charitatis ac desiderii Deum videndi

dendi obitur, quia à voluntate Dei ac morte Christi dulcoratur; quia à Diva Virgine, sanctisque Patronis, solatio afficitur; quia mundus, jam dudum corde desertus, alacriter deseritur; quia dæmon calcaneo insidians generosè detriumphatur. Ita ipsa in domum sanctitatis cœlestem introducit. De qua dictum est: *Domum tuam decet sanctitudo Domine.* Psal. 92. 5. In quam nemo coinquinatus admittitur; sed quisquis ingreditur, perfectissimâ statim sanctimoniâ illustratur: est enim domus Dei ter sancti, est regio Angelorum, mansio justorum, habitatio Dei filiorum, & Sancta Sanctorum.

III. *Denique pretiosa est in conspectu Domini mors Sanctorum ejus.* Quia est janua cœlestis Hierosolymæ, in qua reperitur omne bonum. *Erit opus justitiæ pax & securitas usque in sempiternum & sedebit populus meus in pulchritudine pacis & in tabernaculis fiducia, & in requie opulenta.* Isaïæ c. 32. 17. *Gaudium & lætitia invenietur in ea, gratiarum actio & vox laudis.* Isaïæ c. 51. 3. Erit ibi perpetua lætitia, gloria completa, quies opulenta, stabili-

64 *Domus eternitatis. Consideratio*
stabilis malacia, æquitas, suavitas, justitia, innocencia; erit ibi castimonie & puritatis nitor invariabilis, charitas stabilis, dilectio immutabilis, possessio Dei & unio amabilis, quâ omnes in Deum velut ferrum in ignem transmutantur. Nil nisi Deum cogitant, spirant, amant, laudant, ac speculorum radiantium instar, solem divinum repræsentant, semperque læti ac beati æternum triumphant.

Affectus admirationis.

O Mors pretiosa Sanctorum! O amabilis porta cœlorum! O quam optata janua, quâ omne malum naturale & mortale excluditur! quâ in domum sanctitatis, gaudii, omnisque boni intratur! O quam gratum ostium, per quod admittimur in gloriæ regnum! O pretiosa mors Sanctorum! quis pretium, quis jucunditatem, quis felicitatem tuam verbis exprimat? O quam jucundum est illis mori, quos vivere non delectat! O quam acceptabile est illorum divortium, qui se mutuò non diligunt!

quâ

quàm promptè migratur è domicilio ,
 quod nunquam libenter inhabitatum
 est! O mors tam pretiosa tam optata, tam
 sancta, utinam mihi evenires! utinam
 omni die & horâ me singulari studio ad
 te disponerem! Ah! *Moriatur anima
 mea morte justorum: & fiant novissima mea
 horum similia.* Num. 13. 10.

CONSIDERATIO VIII.

Mors mala, Domûs æternitatis
 damnatæ porta.

Mors peccatorum pessima. Psal. 33. 22.

22. Januarii.

I. **C**onsideratâ morte justorum pre-
 tiosâ; consideranda quoque est
 mors peccatorum pessima, æternitatis
 infelicis porta horrenda. Cur autem di-
 citur pessima? Ausculta Doctorem mel-
 listuum, dicentem Epist. 105. *Audi unde
 mors peccatorum pessima: mala siquidem
 est in mundi amissione, peior in carnis sepa-
 ratione, pessima, in vermis, ignisque du-
 plici contritione. Sive est mala, ob
 a. ortem antecedentia, peior ob conco-
 mitan-*